

kat.komo



390564

390576

Mag. St. Dy.

I



1093

W. S. J.

32885

I. W.

Gal. 269.





1327

1/
2/
3/
4/
5/
6/
7/
8/
9/
10/
11/
12/
13/

MISCELLANEA.

- 1/ Jabłonowski Jan Kajetan Bernard, Exempt czyli akt zapisu wieczystego wdzięczney obligacyi od uchrony Lublina.-K nlb.43.-R.1760.-E^{XVIII} Str.340/1.-
- 2/ Konarski Stanisław Hieronim II, De inscriptione regii numismatis Oratio. Warszawa 1764.-K nlb.14.-E^{XX} Str.7.-
- 3/ Laskiewicz Jan Kanty X., Mowa przy solennym wyprowadzeniu ciała Antoniny Massalskiey w Krakowie dnia 8.stycznia 1765.-K nlb.7.-E^{XXI} Str.96.-
- 4/ Series konstytucyi synoptice zebranych ex Volumine legum, dowodząc, że stan szlachecki y duchowny od wszelkiego myta, cła y poboru iest wolny.-K nlb.8.-E^{XXVII} Str.390
- 5/ Hailes, Réplique a l'examen du Mémoire sur les ~~affaires~~ affaires actuelles de la Pologne 1791. Warszawa 1791. de l'imprimerie de Michel Gröll.-Str.43.-E^{XXIV} Str.^{XXVI} ^(II)
- 6/ Memoire composé par un gentilhomme Polonois de Petrikau.-K nlb.18.-E^{XXII} Str.279.-
- 7/ Examen d'une brochure intitulée Memoire sur les affaires actuelles de la Pologne 1791. Warszawa 1791. de l'imprimerie de P.Dufour.-Str.31.-E^{XVI} Str.122.-
- 8/ Papuga ,powieść z franc.-K nlb.4.-E^{XXIV} Str.85.-
- 9/ Nienawisc cnocie przeciwna, Wiersze wydane roku 1789.-K nlb.1.Str.6.-E^{XXIII} Str.125.-
- 10/ Lubomirski Antoni, Mowa w Senacie na seymie ordynaryjnym Warszawskim r.1766 i Mowa na tymże seymie 20. Oct.1766.-K nlb.4.-E^{XXI} Str.457.-
- 11/ Lubomirski Antoni, Mowa w Warszawie dnia 29.paźdz.r. 1766 i Mowa dnia 14.listopada.-K nlb.3.-E^{XXI} Str.457.-
- 12/ Walewski Xawery, Mowa dnia 28.marca r.1775 na sessyi seymowej.-K nlb.2.-
- 13/ Lubomirski Antoni. Mowa w Warszawie dnia 22.listopada r.1766.-K nlb.3.-E^{XXI} Str.457.-





E

Jaś

2
J
W
w

P


P

DE INSCRIPTIONE
REGII NUMISMATIS,
Suscepto sacro Diademate sparfi;
IN SOLENNI INAUGURATIONE
STANISLAI AUGUSTI
SERENISSIMI & POTENTISSIMI
REGIS POLONIÆ
MAGNI DUCIS LITHV: &c.

ORATIO

Maxima Senatûs & Equestris Ordinis frequentia
In Collegio Nobilium, Scholarum Piarum,
In perenne monumentum, devotissimi Regiæ
Majestati, totius ejusdem Instituti, habita.

VARSAVIÆ. 1764.



Tota quidem gemmis rutilas ; sed quot regis intus,
Curas ? (ut Patriæ sit bene) quamque graves !

IN STEMMATA REGIA.

IN VITULUM.

Indutus quondam deus os formamque Juvenci ,
Subdidit Europæ colla ferendæ oneri.
Scimus & Hunc, aptos humeros, onerique ferendæ
Sarmatiæ, vires prorsus habere pares.

IN AQUILAM.

Exemplo Prolem docet ipsa, præitque : Polone !
Ne pigeat niti, quæ tibi monstrat iter.

IN EQUITEM.

Quæ Via currenti ? Via Gloria : quæ ultima meta !
Gloria : Currenti Gloria calcar & est.

390565



ORA-



ORATIO



COronæ Regiæ, Amplissimi Proceres! Inscripti-
ptionem adjectam legitis: *Hanc jussit For-*
tuna mereri. Res, ut id genus esse oportet,
brevissima, sed reconditæ sapientiæ ple-
na. Ducere hinc potestis tanquam è copiosissimo lim-
pidissimoque fonte, medum de Rege nostro judicia
quævis præclarissima, sed & certa optimæ de Republi-
ca spei præfagia, omnisque felicitatis auguria.

Meministis jam toties facientem verba Regem,
quo *non dignius unquam Majestas meminit sese Romana*
locutam. Quo illo admirationis plenissimo omnium
silentio, quàm unanimi cunctorum mox Civium con-
sensu, Illius omnis concio, ac Ejus quævis gravissima ac
luculentissima, sub comitia Convocationis, (ne priora
memorem) fuit audita Oratio? Quis ille motus &

incredibilis ardor animorum secutus dicentem, post auspiciatissimam Electionem sui, post Pacta jure jurando firmata, post Fœderatæ Reipublicæ utriusque gentis ad Majestatem accessum? audistis recentius alloquentem Vos, Senatum & Populum, post diadema sacro ritu susceptum.

Hæc omnia, & ipsa Provinciarum legatis tot data a Rege responsa, ejusmodi omnino sunt, ut quidquid Græcorum Curia aut Exedræ, vel Romanorum Rostra pulchrius aut excellentius audierint, nobis quidem audisse videamur. Certe nullus illi hodie in tota Republica, aut sapientia, aut copia ornatuque dicendi comparandus est. In hac vero inscriptione, ut opus, Læconicus est; sed & omnium & vestra illam meditationi relinquit. Post Deū jam O. M. in cujus manu fatisque & Principū & Regnorum auspicia sortesque sunt, Vestrum opus est, Celsissime Primas Primeque Princeps, Amplissime Senatus, fortissime Equestris Ordo, cum fortunatissima Electio, tum solemniss hæc inauguratio incomparabilis nostri Principis. Quid itaque sacra Ejus mens, hoc Coronæ suæ Lemmate, quid paucis his aut intendat aut complectatur verbis? precandos vos mihi esse præsentī Oratione duxi, ut ad enucleandum ad perscrutandum investigandumque sensum, atque ad attingendum pulcherrimæ hujus inscriptionis scopum, vestros una mecum absque tardio, imo cum benevola attentione, adiciatis animos. Argumentum certe, pro ratione temporis, cum de Potentissimi Regis

Coro-

Coronati laudibus tacere nefas fit, nullum aut præstantius, aut Reipublicæ utilius arbitratus sum, a me deligi potuisse.

I.

Fortunæ voce imprimis, elegantia carminisque duntaxat causa, inscriptio hæc usa est. Veteribus fuit olim hæc mens, ac ne veteribus quidem viris sapientibus, sed prono in fabulas superstitionesque vulgo, ut Deam, multis templis, ac celebriore reliquis trans Tyberim Romæ delubro, fortunam coluerit. De ea sic Cicero: *non enim solum ipsa fortuna cæca est, sed eos etiam plerumque efficit cæcos, quos complexa est.* Itaque vir sapiens & divinitatem cæcam, & cæcos illius existimavit cultores. Clarius adhuc Satyricus, cum eam & divinis spoliavit honoribus, & cœlestibus movit sedibus: *nullum numen habes, nos te, nos facimus fortuna Deam, cœloque locamus.*

Fortunam autem quid aliud reapse esse intelligimus? nisi subitum & inopinatum eventum, earum, quæ accidunt, rerum. *Quid aliud fors,* arguit Romanorum Philosophorum facile Princeps, *quid fortuna? quid casus? quid eventus? nisi cum sic aliquid cecidit, sic evenit, ut vel non cadere aut evenire, vel aliter cadere atque evenire potuerit.* Omnem ergo casum ac eventum fortunam dicimus: at enimvero omnem casum eventumque nos alii longe principio, quàm fortunæ attribuimus.

Nobis enim id solis, quidquid fortuito accidit, casus est, ut quibus causæ, Decreta, legesque, mundi Moderatoris Rectorisque Supremi, penitus ignotæ sunt: at contra nihil illi casus est, qui universum hunc, humanumque in eo genus, summa sapientiâ ac potestate moderatur, qui mente illa infinita, omnia eventura prospexit ac ipsemet definivit. Providentiæ ergo ejus sunt consilia mirique effectus, qui nobis casus videri, aut potius ita duataxat appellari solent. Quod fortuna itaque apud priscum superstitiosumque vulgus, hoc apud nos Providentia sit oportet: ita quidem, ut si Poetis elegantius uti libet, quemadmodum Fati, Jovis, Palladis, sic & veteri fortunæ vocabulo, hoc tamen nihil aliud designare, quàm Rectricem mundi sapientiam apud Christianos Philosophos possit. Numero itaque carminis sublato, *hanc jussit fortuna mereri*, idem est, ac istud: Providentia divina hanc jussit mereri. Non sortem itaque, aut casum, sed Coronas sceptraque dantem & distribuentem Deum, jubere, Coronam mereri, erudita hæc inscriptio testatur docetque: explosa temeritate eorum, quos Vates Isaias deridet: *qui ponunt fortunæ mensam, & libant super eam.*

Sed quandoquidem naturæ ordine, merita præcedere debent ante præmia; quid istud est? *hanc jussit fortuna mereri?* Coronam inquam mereri jussit, quam jam concordibus Vestris liberæ gentis, Rex sit adeptus suffragiis? pro qua imperatur labor & cursus, jam hæc mer-

ces in manu est? Prius profecto vobis, promerenda, quam suscipienda Corona, videbitur.

Ad quaestionem hanc ut recte respondeam, duo mihi dicenda videntur; unum: *Coronam seu imperium, neminem satis posse mereri*: alterum: *parem imperio, quod satis est, animum, virtutesque & gr̃as, ad optime de Regno merendum, Principem nostrum luculentissime attulisse*. Hæc cum dixerō, vos proculdubio in inscriptionis mentem mecum facile penetrabitis.

Ac cumprimis, quam sapienter, iuste, modesteque dictum sit: *hanc jussit fortuna mereri*, considerate. Superbe enim nimis sentiret, qui Regnum se promeruisse sentiret. Capacem (ut Poetæ dictum) mentem Regni, indolem ad imperium factam, animum regendo imperandoque idoneum, eum habere oportet, cui populorum cura & regimen cum sceptro committitur. Non desinet unquam, dum vivet, optime de Regno mereri, qui hæc secum ad Thronum attulerit. Sed merita, sed facta ingentia, sed res gestæ cujusvis ante regnum, aut ob ipsam temporis vitæque rationem, non præcedunt nec possunt præcedere, aut forte si & horum sit aliquid, quantumcunque demum est, regno certe promerendo impar, semperque regię dignitatis fastigio longe inferius futurum est. Ad auspicato itaque ac beate ordiendum regnum, virtus & animus par regendo quaeritur, non promerita exaggerantur. Quis enim vel optimorum cum tempore Principum, qui maturrime Thronos conscendunt Paternos, aut qui ineunte prima flo-

ren-

ventissimaque ætate in spem longioris imperii in Reges eliguntur, quis inquam eorum Regnum meruit? aut vero qui antea illud mereri potuit? Dicamus imo & de iis, qui in provectiore ætate pervenerunt ad solium, quis illorum tantum meruit, ut ei nihil minus, quam Regale Solium debeatur? At si vel Patriam ab interitu vindicavit, quo promerito majus nullum, si autem hoc titulo Liberatoris & conservatoris Patriæ, ejusdem imperium sibi omnino deberi contenderit, fiet ejusdem è vindice & Liberatore, Tyrannus.

Thronus igitur debetur nemini, nisi illi, quem Deus O. M. per quem Reges regnant, sive sorte nascendi, sive populorum delectu, Regem jusserit. Regnum, quocunque jure venerit, haud suo merito, sed semper fortunæ, ut eam definivimus, seu si dicere malimus, semper providentiæ, a bonis modestisque Principibus & relatum & in acceptis referendum est. Regnum, cum supra homines sit, ac supra generis humani æqualitatem res posita, fatendum est, Regni præmium & imperium nullum hominum satis posse mereri.

Præsertim, si ut par æquumque est, ita apud nos statuamus: quod vel maximi labores, conatus, sudor, vulnera, ipsiusque vitæ pericula, quæ bonus Civis pro salute Patriæ subiit, quæque nos vocare solemus merita, dum penitus inspexeritis, & in æquitatis lance examinaveritis, non tam sunt merita, quam debita sunt erga Patriam officia. Qua in re perlibenter assentior Græcorum Imperatori Timotheo, qui cum audisset

unum ex Collegis, parta celebri victoria, dicentem :
an putas o Timothee gratam nobis futuram Patriam?
 dic potius, Imperator respondit: *an nos Patriæ, di-*
gnas queamus referre gratias? Sensit vir summus, nos
 gratificari Patriæ oportere, non nobis gratam esse Pa-
 triam. Nam si ut Herocles inquit: *Patria est velut*
alter quidam Deus, & primus maximusque Parens; ut
 de Deo itaque nostrisque parentibus, nunquam ita be-
 nemereri possumus, ut eos ad remunerandum jure
 summo obstringamus, ita nec Patriam: majora sem-
 per erunt & Dei, & Parentum, & Patriæ in nos mune-
 ra, nostris quibuscunque obsequiis. Quamobrem re-
 rum vel optimè gestarum apud Patriam ostentatio in-
 utilis est, atque ex opinione Socratis, optime ejus Magi-
 stratus is geret, qui ad eos non cum meritorum jactantia,
 sed cum animo bene de ea merendi accedit. Nos
 igitur quidquid Patriæ præstamus, id facimus, quod
 debemus: illa vero quidquid nobis boni præstiterit,
 omne id beneficii loco, non mercedis, censendum est.
 Quod si jam minora præmia, opes, honores, fasces non
 possunt deberi a Patria suis Civibus, quid Coronæ?
 quid Regna? Liquet itaque, si omnia alia honorum
 ornamenta, multo magis Thronum Regium longe su-
 periorem esse omnibus vel maximis, etiam præstantissi-
 morum hominum meritis.

Qui itaque vocantur ad Regna & Imperia, non
 eorum certe merita, qualiacunque demum sint, a Pa-
 tria coronantur aut rependuntur; sed Coronam & sce-

ptrum, incitamentum iis esse ad optime de Regno merendum oportet. Si enim alii omnes honoris fasces excitare vehementer quemcunque bonum Civem debent, iis ut se dignum reddat, quantoque eminentior sit, tanto magis ad benemerendum de Patria obligatum se esse sentiat, jam multo magis honor Regius stimulo bonis Regibus esse debet, tota ut vita omniumque contentione virium de Patria Civibusque quam optime mereri studeant. Et hoc ipsum est, quod Rex cogitavit, cum dixit: *hanc jussit fortuna mereri.* Modeste laudabiliterque fatetur, minime se velle Thronum suis meritis fuisse debitum, sed potius tanto numinum hominumque munere ac suprema dignitate sibi collata se moneri, ut Coronam quam obtinuit, quamdiu regnaturus est, semper magis magisque promereri conetur. Mens ergo perelegantis hujus inscriptionis est, Coronam, quam jam sibi manus divina imposuerit, id ab eo exigere, eam ut mereri non cesset. Sapientiam singularem! modestiam summo jam loco magis etiam admirabilem!

II.

Afferuimus & nos itaque mentem Regis sequendo, nullam vim meritorum ex æquo satis esse ad jure adipiscendam Coronam: sed simul innuimus, plurimum referre Reipublicæ, si homines summi & quam maxime idonei ad imperia deligantur.

Si vero jam Rex noster, promerendi deinceps quod gerit sceptri, optimam voluntatem ostendit, & studia pollicetur, dicamus proinde & nos, quod alterum dicendum nobis superest, in quo omnes perlibenter

consentiunt, quodque nemo negaverit, nullum videlicet Illo desiderari aptiorem, nullum Regno magis idoneum. Attulit secum ad solium omnia, quæ ab optimis Regibus, anxii de felicitate sua exoptare solent populi.

Religione præ cæteris rebus eorum imprimis afficiuntur animi. Quid autem sanctius ea institutione fuit, quam annis multis ipsi spectavimus: cum Mater illa, ob pietatem omnemque virtutem, summum sui sexus ornamentum, ingenio autem, singulari doctrina & sapientia, sexu omnino major, incredibili diligentia in id præsertim incubuerit, ut omni superstitione remota, in veræ Religionis solidæque pietatis sensu suos liberos educaret: utque digne de Deo sentirent, timorem ejus discerent, mores innocentes combiberent, ad probitatem & omne virtutis genus a teneris formarentur, optimos quosvis lectissimosque, qui de Religione vitæque recte insituenda sapientissime pertractant, scriptores, & Evangelii præcones eisdem explicare, ac Philosophiam Christianam illis ipsamet tradere, annis compluribus, statis quovis fere die horis, fuit solita: exemplo Scholis omnibus privatis publicisque saluberrime imitando. Ex qua sancta illa consuetudine a juvenili ætate contracta, videtis nunc quoque qua reverentia sacris nostris vacare, quam præclaro populis exemplo verbi Dei prædicationi adesse, qua morum disciplina ac integritate & iisdem prælucere, & licentiam hominum irreligiosorum damnare, Rex noster, cum

summa bonorum omnium voluptate constanter observatur. Jam pace multorum, qui sibi ceteris omnibus Sapientiores videntur, quique vel a mentione, nedum a laude Religionis abhorrent, pace inquam eorum, Pauli stylum sequendo, dixerim: Talem nobis decebat esse, in Regno Catholico Regem, qui primum ac firmissimum felicitatis suæ Regnique sui fundamentum in cultu divino collocaret.

Jam secundum à Religione locum Sapientiæ si dederimus, tantam in Rege nostro esse, omnium est fixa & pervulgata opinio, ut si aliæ gentes suos Principes, justos, pios, fortes, invictos, felices carosve appellerent, non nullæ etiam superbius magnorum cognomine imposito, exornare suos ambient, nos præfaga quadam mente nobis polliceri audemus, Regem nostrum *Sapientem*, & deinceps, & posteris appellatum iri. Tanta ingenii magnitudo & vastitas, tam ingens rerum humanarum divinarumque scientia, tanta cum universæ rerum naturæ, tum cordis humani recessuum, indolisque cognitio, tanta vel difficillimarum rerum intelligentia & perspicacia, tanta linguarum complurium bonarumque artium comprehensio, tanta antiquitatis, viciniorum nostrorumque temporum, Regnorum omnium & rerum publ: religionum, politices, principiorumque regendi ac populos felices reddendi notitia, tanta legendi, quidquid a summis erudiendo humano generi elaboratum est ingeniis, assiduitas, tanta inde lux prudentiæ soliditasque Consilii, tam facilis, elegans, copiosa,

osa, ac plane divina eloquentiæ vis verborumque flumen, ut in una quaque separatim harum rerum excellentiores, pauci hominum illi comparari queant. Qua Principis nostri univerforum de eo existimatione, quid illi honorificentius, quid Reipublicæ salubrius? Consecuta est illa, id quod rebuspublicis divinus tantopere optarat Plato, *ut quanta earum Principes ceteris dignitate eminent, tanto reliquos sapientia antecellant.*

Qui jam pridem, qui propius penitiusque Regis animum cognoscunt, sancte testari solent, justitiam ita Illi esse innatam, virum ut, proinde jam & Principem justiore illo, ac æqui amantior non norint. Judicium nempe illi inesse ita in res penetrans, ita rectum, ut veri falsique, justi & injusti, quorum sæpe confinia coeunt, discrimen sit nulli facilius: ita vero esse animum illius compositum, ut omnia Regnumque amittere, quam scilicet injustitiam comittere, aut inferre cuicunque injuriam, paratior sit. Quid hac virtute in administratione Reipublicæ, in tuendo, reddendoque jus cuivis suum, in diligenti ad Magistratus selectu, pravisque hominibus removendis, in bene meritis de Ecclesia & Patria viris exornandis promovendisque, in distribuendis præmiis, muniis, honoribus & opibus, in persequendis, percellendis diminuendisque criminibus, Regno potest esse optabilius?

Clementiam ejus, an non satis testantur & probant hæc mira & incredibilis affabilitas & suavitas? quæ iam omnes in admirationem amoremque ejus rapuit.

puit. Quis est, cui, artis captivandi mentes scientissimus, tale quiddam non dixerit, flammæ ut instar omnium animos corripere videatur. Quem ex iis, quos libertas sentiendi ab eo non nihil separarat, non jam sibi amicissimum conjunctissimum & benevolentissimum reddidit? Reges, præter hunc, obsequentes, fideles, si vultis & amantes servos numerant, amicos vix ac ne vix quidem norunt. Rex noster bene novit, quid in amicitia voluptatis insit. Æquali jure natus, ac pares inter hucusque versatus, artem reperit, ne Majestas humanitati, humanitas Majestati quidquam deroget, ne quidpiam neutri decedat: ita comis est, ita facit, ut Cives vix animadvertant, penes parem olim, jam esse imperium. Ille docet, Reges, si velint, posse habere amicos. Tali Principe quid iucundius genti liberæ? cujus tessera propria illud Traiani est, *talē me præsto Imperatorem privatis, qualem ipse privatus optaveram.*

Jam cum, ut Cicero inquit, magnifici apparatus vitæque cultus, cum elegantia & copia, delectent populum, ejusque gratia regium sit, omnia cum ampla quadam & splendida ostentatione agere, id enim quoque Principi venerationem apud suos exterosque conciliat; aspectus jam præsens Aulæ Regiæ, sumptusque in omnia pro dignitate facti, sane pollicentur, inde quoque splendorem Majestati minime unquam defuturum. At vero quod longe adhuc melius hac in re est, pronus ille assuefactusque ad benefaciendum

cunctis animus, quot jam mirificis Regiæ munificentiae speciminibus in Principe nostro patuit? pietas & miseratio ejus pectori cum natura infusa: inde necessitati plurimorum jam toties regie provifum est: egestas, modo vivendi destitutorum, religiofe passim sublevata: ne petentibus quidem, ad famam duntaxat indigentiae aut calamitatis domesticæ, liberaliter & sponte prospectum, miles Principis liberalitatem expertus, pulcherrimarum artium cultura insigni largitate excitata, munera honorificentissime regaliterque distributa, nullus non beneficio notatus dies: clara hæc optimi in omnes parentis munificentissimique Principis testimonia toties jam cum voluptate spectavimus. Temporis angustias numerus beneficiorum excedit. Ærarium certe ille patrimoniumque Regium, in expendendo, ut publicum populi que non suum, in administrando augendoque ut suum non publicum respicit.

Sed quæ in expediendis iis, qui Principem sive supplices, sive pro varia rerum ratione adeunt, mira & stupenda celeritas? Vigilare pro statione videtur, ut ausculetur. Certe si quid aliud, hoc illud est, quod in optimam de Republica spem cunctos erigit, laboriosissimæ nempe vitæ rationi, ita Regem esse assuetum, mos ut illi sit fere in naturam mutatus. Labore defatigari non videtur, cum alii lassentur etiam otio. Vires illi roburque a motu. Rara profecto & vix Europæ laus cognita: diligentissimus officii Princeps. Recusandum quidem non est, si cui, certe Principibus, intermiscenda esse

esse otia curis. Eget his intervallis, eorum, quæ simul est Patriæ salus. Ejus causa ita iis Rex noster utitur, ut præcipue in oblectamento Civium, suum ponat: quale Marcus Aurelius in cætu conviviisque amicorum, quæ Imperatorem tantisper exutus cohonestare solebat, sapius quæsit. Hoc convenit, hoc decet eos, qui nedom Reges, sed simul Patres se esse meminerint, quique volunt ostendere, absque Asiaticis sipariis, velis, vultusque involucris, Regum conspectum longe venerabiliorem esse: præsertim cum Majestas simul & summa oris gratia sese invicem & juvant & temperant. Hac ratione nihil temporis nostro Principi deperditur, quod relaxando indulget animo, fructum uberem inde capit, melius nosci, plus adamari: præter vegetiores spiritus, aptioremque mentem ad mox subsecuturos labores: qui, Reipublicæ plurimum interest, ne sint nimii, ne continentes, sed cum quiete alterni. At enim vero Moderatoribus orbis, ubi pulvinaria, mensæ, ferarum indagines, concentus musici, theatra, ludi & ludicra, majorem vitæ partem extrahunt, Regni curæ quid reliquum superest? Miser Principatus, misera populi talibus fortuna Rectoribus. Deside Principe, regulis & tyrannis plena omnia sint oportet. Multi regunt, ubi unum piget regere. O infortunatam sortem imperii! Metu hujus infortunii liberat nos Principis nostri diligentia. Tanti est labori insuescere! qui nunquam illi in folio gravis nimium molestusque videbitur, cui, etiam post arduorum gravissimorumque Reipublicæ negotiorum

quo-

quotidianum curriculum, postque Regias occupationes diurnas, meditari, legere, scribere, lucubrare de Republica, otium est.

Venit vero id, non solum ex ea, ut mox diximus, perquam laudabili assuetudine, non solum ex cognitione officii, verum ac imprimis etiam e binis his fontibus, e maximo nimirum amore gloriæ, & e summa qua flagrat ardetque caritate in Patriam. Circa hæc duo omnes ejus cogitationes versantur. Si verum est illud Taciti, *optimos mortalium altissima cupere*, conicietis facile, a nullo mortalium altiore scopum conatis suis fuisse profixum, quam Illi. Ut summi nempe optimique Reges tam nostræ quam maximarum gentium, norma ei sunt, ita eorum aut æquandæ aut superandæ gloriæ ingens eum tenet desiderium. Divinis quidem eventura fluunt & pendent è fatis; his propitiis, magnumque Regis animum servare ac secundare volentibus, nos certe nec majoribus nostris, nec externis populis clarissimos Principes locum invidendi habebimus. Princeps enim qui tendit ad gloriæ decus, cui nihil volupe nisi gloria, hujus vi, hujus stimulo, perpetuo urgetur ad maxima, ad summa, ad immortalia. Sapiens autem cum sit, & famæ scit præferre gloriam, & qui sint ejus certi fines, & in quo vera collocanda sit, probe callet. In salute itaque ac felicitate Regni procuranda, gloriosissimi Imperii & scopum, & memoriæ ad posteros perenne monumentum statuit.

Ad quam excellentem curam, non minus magni inter Principes nominis & claritudinis, quam amoris

C

erga

erga Patriam summi incitamento vehementer permovetur Rex noster. Se, magis neminem ornatum, se, neminem sublimius pares inter evedtum a Patria, dum recogitat, quid illi proinde præ omnibus debeat? quanto eidem amore eum gratificari oporteat? sapienter metitur. Nihil itaque est, ad quod pro salute bonoque ejus communi, tentandum, conandumque magnus illi desit animus. Et quid aliud ab eo privatim publiceque audimus? nisi ejus præclara cogitata, nisi consilia, quæ continuo feruntur ad opitulandum Patriæ, tenduntque ad restituendum veterem Reipublicæ splendorem.

Ea quidem tempestate vivere, jam fere nos tædu-
it, cui carmen istud utinam minime conveniret: *privatæ cuius tantus amor rei, ut vel perniciæ suæ & fasces & opes querere Patriæ, prosit Civibus impiis. Nil illis Patriæ, nil Reipublicæ usquam nomine inanius: riderique potest, qui memoret, sua pro Roma cupidos mori, Brutos, & Decios, & Fabium genus.* Pompeij factum illud, qui cum e Sicilia, annonam fame laboranti urbi portando, solveret, cumque insolita maris tempestate coorta, præsentissimi metu naufragii a nautis terreretur, atque ut tantisper in portu haberet, obsecraretur, respondit: *ut navigemus urget necessitas Patriæ, ut vivamus non urget* hocque dicto e littore solvit: factum hoc inquam Pompeij, non erat jam nostris temporibus præstolandum. Obliti fere fuimus natos esse nos in Republica, & Rempublicam nullam esse, sine Pa-

Patriæ amore, qui si erga eam non sit in Civibus liberis, si res privatae magis cordi sunt, easque communibus præferri libet commodis, tali quidem libertati præstabit honesta servitus. Regis jam nostri cogitationes omnes, studia omnia quo collimant? nisi ut bonos Cives, nisi ut eos, quibus animus, non anima tantum inest, ad amandam reficiendam juvandamque excitet, extimulet, imo & perurgeat Patriam.

Hæc Ejus rara omnino & summa, omnia animi ornamenta, hæc quæ de restituenda firmandaque Republica mente volvit consilia, optime cognita sunt, & remotis quibusvis, & amicis fæderatisque Reipublicæ Principibus: quare tanta eum prosecuti sunt existimatione ac benevolentia, ut eorum & amplissima ac gratissima commendatio, & maxima sinceræ erga Regem nostrum eorum amicitiae argumenta, neminem jam tota Europa lateant. Jam ista Principis nostri cum tam Potentibus Vicinis optatissima conjunctio, quantum boni allatura semper est Reipublicæ? Ista profecto apud Exteras gentes nostri Regis auctoritas, fides & præclarissima de eo opinio, non minus genti nostræ universæ ac gentilibus perquam honorifica sit oportet.

His jam igitur verè regis, religione, sapientia, justitia, clementia, magnitudine animi, beneficentiæ & magnificentiæ laude, labore & diligentia, summo amore gloriæ & Patriæ, ingenti fama & existimatione apud vicinos omnesque Principes comparata, aliisque præstantissimis ac innumeris dotibus, præditus, com-

munitus, omnibusque Imperio necessariis instructus artibus, ad solium Rex noster accessit, concordissimis, fere absq; exemplo, gentis liberæ animis vocibusque electus, jamque auspiciatissime incredibili omnium lætitia ac celebritate coronatus.

Probatissime jam quæso, cur autem non probetis? Aristotelis gravissimi rerum Publicarum præceptoris effatum: *melius est Civitatem regi ab optimo viro, quam a lege optima.* Leges enim vel optimæ mutæ imbecillesque sunt, si illarum, is qui regit, precipuam curam exequendarum non gerit. Nos sane bonas habemus leges, sed quemadmodum eæ hucusque servatæ sint, sane patet in Reipublicæ statu. Sperandum jam, est, illas deinceps vim debitam habituras, cum ab eo, qui virtutem omnem animo complexus est, scilicet cum ab Optimo regetur Civitas. Præsertim vero, ab eo Principe, quo nullus majorem Patriarum legum, religionis, officiorum, munitum, jurium, Judiciorum, opum & virium, æconomiaque publicæ, cognitionem nactus est: qui, quod præcipuum studium bonorum Regū est, Personas etiam ac nobilitatem prope universam, familiarum necessitudines & vincula, indolem & promerita singulorum fere civium, in numerato numerato habere videtur.

Merebitur itaque, merebitur, *hanc quam jussit fortuna mereri*, Coronam, qui ad optime merendum de Patria, parem, quod principio diximus, Imperio animi, virtutesque Regias jam nobis omnibus in eo spe-

statas, cunctisque notissimas, velut certissimum spei
publicæ pignus secum in Trono collocavit. Genti eas
nostræ obtulit, loco ingentium illorum promissorum,
& thesaurorum, quos exteri Principes toties nobis
amplissimis quidem verbis, re ipsa nunquam, ostenta-
re ac offerre solebant. Hæ sunt veræ quas Rex noster
secum nobis donavit opes, longe Cyri, Cræsi, & Atta-
licis potiores. Hæ pro eo sanctius Patriæ nostræ spon-
dent, illum, diadema, quod sacro ejus Capiti impositum
est, quo ad regnaverit, ut jam curat, mereri curaturum.

Conferte jam quæso judicii ferendi gratia, gemi-
nas has numismatum Regionum Inscriptiones, unam,
nostra jam memoria, alteram hanc in præsentī Coro-
næ Regiæ solenni impositione factam, illam his verbis
Coronandi Regis Diademati, certe non e mente religio-
sissimi Principis, sed à quopiā assentatore adjectā: *meruit*
& tuebitur: istam è mente Stanislai Augusti Coronæ ad-
scriptam: *Hanc jussit fortuna mereri*: illa Principi, non-
dum tum quidquam apud Rempublicam merito, quique
nihil ante de ea per ætatem mereri potuerit, sed primum
de gente nostra mereri volenti ac incipienti, ingens jam
nescio quod attribuit meritum: *meruit & tuebitur*; hæc
vero postrema, duntaxat fatetur, & quodammodo præci-
pit, promerendam Regi esse Coronam: *hanc jussit fortu-
na mereri*: si utramque in rectæ rationis trutina exami-
naveritis, illam profecto ab assentatione effictam, hanc
a veritate ipsa excogitatam, proculdubio judicabitis.

Ergo jam perpetuas maximasque, quas animus
capere potest, Deo O. M. Regum Regi ac Domino

Dominantium, litemus gratias, quod nobis Principem cum tanta optime de Regno merendi voluntate felicissimis jam auspiciis coronatum divinitus dederit. Gratissima quoque prolequi nos decet reminiscencia, summum Illum Heroem STANISLAUM PONIATOVIVM, Gentium Historiis dum adhuc viveret celebratissimum, Clarissimum Ducem, Primumque Regni Senatorem, fortunatissimum Regis nostri Parentem, qui etsi extrema ætate, quam totam rara peregit illustravitque gloria, summum hoc vitæ solatium non viderit, è celesti tamen domicilio, Diademate Patrio ornatum, Tronoque sublimem Filium, beatus jam spectare, eoque frui & oblectari putatur; atque, cum Celsissimo Primati, pacati Interregni, tamque fortunatæ Electionis laboriosissimo prudentissimoque moderatori, tum præstantissimo Senatui, Equestrique Ordini, concordissimis ad exemplum posterorum Civibus, imprimis autem Celsissimis Principibus Czartorisceis, Avunculis Regiis, salutis, pacis & tranquillitatis publicæ auctoribus & conservatoribus, referre e Cælo videtur easdem cum gente nostra universa grates, quod non minus ejus, quam suo sanguini Jagellonico, ad solium revocando, peramanter opitulati sint, quodque caram Patriam tanto tamque ingenti bono cumulare studuerint.

Jam vero & Vos Adolescentes Nobilissimi, quibus exemplo præit, facemque præfert Rex Ipse, adeo de Patria benemerendi cupidus, ad similia pro gradu
olim

olim cujusque erga eandem studia accendimini. Quo-
rumvis munerum functioni, quæ semper honori illis
sunt, qui eas cum utilitate Reip: gerunt, ac dignitati cui-
vis, quam aliquando in Rep: consecuturi estis, idem lem-
ma inscribite: *hanc iussit fortuna mereri.* Imo nec in
hac qua estis ætate, adhuc extra campum de ea me-
rendi positos vos esse putetis; ingens enim, ut quem-
que vestrum cohortatur Demosthenes: *ingens erga
Remp: meritum est, si te ipse præstiteris egregium virum:*
tales vos præstare omnibus virtutis sapientiæque adju-
mentis satagite; nulla profecto ratione melius cum de
communi carissimaque nostri omnium Parente, tum
& de optimo Principe mereri poteritis: cui jam om-
nes, salutem incolumem, pacem & diuturnum tran-
quillumque Imperium, bonis, probisque Civibus
florentem Remp: prospera & fausta omnia, ac glori-
am e rebus gestis immortalem, ex animo com-
precemur.



INSCRIPTIONES.

Pro Illuminatione Collegii Nobilium.

- I.
Thronus Regius cum Nota Nominis Regii. Inscriptio: *Optimi Mortalium altissima cupiunt. Tac.*
- II.
Corona Regia: Inscriptio: *Pulcherrima quam dat libertas, & gentis Amor.*
- III.
Corona Regia ex alia parte. Inscriptio: *Pares inter, virtuti tradita summa.*
- IV.
Vitulus: Arma Domus Poniatowskianæ: *Patria Salutis victima totus-*
- V.
Aquila: Stemma Poloniae, Inscriptio: *Piaſtus, Soboles mea verâ, decusque.*
- VI.
Eques currens: Stemma M. D. Lit. Insc: *Ad solium festinat arvitum.*
- VII.
In Regis Sapientiam. *Reges, Regna suos, ausint si dicere, Magnos?
Major Sarmatia gloria, Rex Sapiens!*
- VIII.
In eandem. *Pulchrane? dignane sit sapientia amore juventa?
In summum salut conspicienda Thronum.*
- IX.
In eandem *Ad fasces & opes, nostine Polona juventus?
Principe, qua certa est, sub Sapiente, via?*
- X.
In Regis Amorem,
Gloriae. *Principium cui, cû finis, cui gloria merces:
Ardua, summa, fore & Regeq; digna petet,*
- XI.
In eundem. *Iusta bonis referet quis pramia Regibus? olim
Gloria: nunc, populi non nisi gratus Amor.*



IN SOLENNI DIE
INAUGURATIONIS
Serenissimi & Potentissimi
STANISLAI AUGUSTI
REGIS POLONIÆ
MAGNI DUCIS LITHVANIÆ &c:
Cum *Corona Regia, Libertatis* colloquium.

Digna fide referam : Vates nam talia, rapti
Extra se Phæbi munere, sæpe vident.
Sacra Coronati vidi Conclavia Regis,
Et mensam, super hac & Diadema nitens.
Mox venerabilior mihi visa est una Dearum :
(Majestate oris rebar adesse Deam)
Lauro testâ Caput. Chlamys aurea, & aurea vestis.
Arcu armata humeros, enseque cincta latus.
Ingens frontem Adamas ornat; pretiosius illo
Utraque nil, & nil India majus habet :
Hunc circum, gemmis rutilans nitet undique nomen,
Libertas: nostræ suave decus Patriæ.
Regali, primum Dea, figit dulcia, Serto.
Ex omni, teneris, basia, parte, labris.
Sublatamque manu sic est affata Coronam !
(Si memini, multum est, reddere verba Deæ)

D

Saxo.

Saxonas ante duos, Bojos * (ait illa) petisti,
 Pannonas & Gallos atque Palamonios. *
 Vincenslaus enim, Lodoix, Magnusque Jagello,
 Atque Jagellonum stirpe cadente, Tibi,
 Valefius, bellax Stephanus, tum Vaza, duoque
 Orthonides, * Patriis plus placuere prociis.
 Ast hodie, quæ sunt mea gaudia? scilicet aptum,
 Teque Domi dignum, Te reperisse Caput!
 Quid iuvit, Dominos quæsisse per extera Regna?
 Propria præ nostro quæis placet Aula Throno?
 Quos tædet natale solum liquisse suosque!
 Nos a Sejanis * qui voluere regi?
 Ne tamen immemorem, minus aut me vivere gratam,
 Forte peregrinis Regibus esse putes,
 Incepi, crevique sub his: oblivia nulla
 Illorum rapient munera, nulla dies.
 Ast in perniciem me tanto a tempore labi,
 Et Patrias leges nonne ruisse vides?
 Juribus atque meis inimica *Licentia*, bellum
 Quam mihi funestum perpetuumque gerit?
 Pulsa Themis! versat patrios Audacia vinctos
 Fasces, susque ferox omnia deque movet.
 Religio, diræ accusata superstitionis,
 Temnitur. Impietas lata, peana canit.
 Perfidia, cades, perjuræ inulta, rapina,
 Hoc è fonte fluunt, nulla thorique fides.
 Nil prisce moris: pietas, candorque, pudorque,
 Exulat. Innocuos & pudet esse probos.
 Plus sed adhuc mihi quod dolet, est id, nomine semper
 Dum Libertatis se tegit omne scelus.
 Insultat, dirosque ciet vicinia risus:
 Ast ego muta, silens, nec nisi, tempta, gemo.
 Nulla malis tantis medicina modusque salutis:
 Nullus, qui mæstæ consulat, aut det opem.
 Nam sine consilio ter denis jam prope lustris,
 Reges me & Cives deseruere mei.

* Bohemos.
 * Lithuani
 & Palamone.

* Saxonas, Or-
 thonum nepo-
 tes.

* Minister
 malus Tybe-
 rij Imp:

Prorsus ad hanc tristem me sceptrā extraneā sortem
 Prorsus ad hunc miserum me populere statum.
 Ah ! adventitiis Dominis, an amabitur unquam
 Libera gens ? nequeunt meque meosque pati.
 Legis inassueti iussis, sua iussa, supremas
 Leges, invitis Civibus esse volunt.
 Ingentes fero jam Tibi, felicissima, grates,
 Lator & ad Pias Ti rediisse Caput.
 In me cū & ego, ac in libera colla meorum,
 Protinus Imperium sceptraque trado libens.
 Expertam, scio me, majorem ullius amorem :
 Quippe sinu lustravit & Ille meo.
 Illeque, me melius, mea vulnera novit, ab illo
 Est speranda meis certa medela malis.
 Accipe jam brevibus : spes omnes colloco, Rege
 In Sapiente meas, ac in amante mei.
 Hic, (olim ut roseo Thaumantias ore) Corona
 Reddidit intentæ talia verba Deæ
 Cum jam Delicio populi, cum gentis Amori,
 Me, (Jove supremo Teque iubente) dedi ;
 Quam Tua grata mihi fiducia ! Principe, quod spem
 In Sapiente loces, ac in amante Tui.
 Libertas invisa malis est Regibus : illam
 Non odere, ipsi qui nisi digni odio.
 Libertas dilecta bonis est Regibus : ulli
 Plus, quam qui est populi dignus amore sui.
 Macste animo ! Princeps, cinxi cui tempora, verus
 Nempe Tuus sanguis, vera Tua est soboles :
 Quique fuit Civis, Patriæ qui Filius, idem
 E Cive, & Nato, Rex, Patriæque Pater.
 Ille Tuis certe cum sit nutritus in ulnis,
 Eque Tua recipit Regia sceptrā manu,
 Diliget instar Te caræque bonæque Parentis,
 Ac Tecum curas dividet Imperii.
 Et decus, & prisceum (nil sava licentia terret)
 Restituet robur legibus Ille Tuis.

* Iris apud Ovid.

Libertas pulchræ hic dedit oscula mille Coronæ.
 Reclusæ subito sed patuere fores.
 Et Dea mox, & scena statim disparuit omnis :
 Ac Vates, hæsit solus & attonitus.
 O fortunati nimium, jam plaudite Cives !
 Propitii, lapsis, Di meliora dabunt !
 Majestatem inter Libertatemque, cohæret
 Tam bene ! quod faustum, quod sit utrique bonum !


Ex Voto; S. K. S. P.





S. T.
 go.
 neg
 pres

o-
fie
el-
o-
gc
m

o-
a-
y
o
o-
7,







Biblioteka Jagiellońska



stdr0026857

